

Liebe/r Leser/in, Begriffserklärungen finden sich unter folgendem Link:
<http://www.katzbach.com/images/stories/pdf/Briefprokoll-Erklaerungen.pdf>

Kauf p[e]r: 150. f: sambt .1. f: Gleich par be=
zalten Leÿkhauf

Peter Plöz aus der Kinrieth: vnd Anna dessen
Eheweib, beckhennen vnd verkhaufen mit
Consens des churf[ü]r[s]tl:[ichen] Pflegambts Waldtmünchen
ihr den .8. April .1720. eingetrauphtes heisl,
mit all dessen rechtlichen ein vnd Zuege=
hörung Zu Dorf: vnd Veldt nichts hieruon be=
sondert noch ausgenommen, gleich sÿe solches
ingehabt genutzt: vnd genossen haben, von
welchem heisl ersagt churfrtl: Pflegamt

.13.

Zu Geörgi: oder Michaeli 40. x: vnd .1/2. fas[t]=
nachthennen verraicht: dan .1. Tag Mehen .1. heug[en]
.2. schneiden: vnd .1. Tag Hackhenscharwerch „verricht“ oder
das gelt dafür bezalt werden mues, auch in
ÿbrigen aldahin mit der Manschaft, Rais, Steur,
Scharwerch Zum Schloss vf begebente Verend[er]=
ung mit dem Zehenten Pfening handtlang:
vnd all andern Pottmessigckheiten vnderworfen
vnd beygethon ist, Dem Ehrbahren Johan
Lanng von Kazbach noch Leedig doch Voggtbahren
Standts: vnd Anna Wagnerin dessen Zue=
khonnftigen Eheweib all deren Erben: vnd nach=
khommen vmb: vnd p[e]r: 150. f: sambt .1. f: gleich
par bezalten Leÿkhauf, welchen Khaufschil=
ling Käufer volgentergestalten Zu be=
zahlen versprochen. Als „erstlichen“ will er heurige
Michaeli Zur anfrist .60. f: vnd hienach alle
Jahr als, Zu Jacobi .1728. anfangent .10. f:
erlegen: vnd mit solch leztern solang Con=
tinuiren, bis der Kaufschilling abgereicht: vnd
bezalt sein würdt, Negstdeme ist abgered[e]t
vnd beschlossen worden, das der Verkhaufente
Plöz vf diesen heisl solang er vnd sein der=
mahliges Eheweib lebt neben .4. pifang Veldt
Zur Schmalsath die blose Herberg Zu genießen
haben, betreffent den heurigen traidt
fandt thuet der Verkhauffer dem Wint=
terpau alleinig, den Sommerpau

aber beede thail, als der Verkhauffer
vnd Khauffer mit einander abschneiden
Geschehen den .19. Aprill anno .1727.

Zeugen

Wolf Wagner von der Kiniriedt [Kühnried] vnd Andree
Haur von Haidthof.

F:\Fotos\Fotohistorik1\Grundsteuerkataster\Briefsprotokolldaten\Briefprotokolle\Briefprotokolle Waldmünchen 174\Lang Kü2 BP 174 17_18.docx